



POZIV ZA UČEŠĆE NA KONKURSU

„Poslodavac godine za osobe sa invaliditetom u Federaciji BiH 2013“

Pozivamo sve poslodavce koji zapošljavaju osobe sa invaliditetom da se prijave na konkurs sa nagradu „Poslodavac godine za osobe sa invaliditetom u Federaciji BiH 2013“

Poziv je otvoren od 01. oktobra do 15. novembra 2013.god., a svi zainteresirani poslodavci mogu preuzeti obrazac prijave na web stranicama: www.crp.org.ba, www.ipm-lsi.org, www.posao.ba ili na nekoj od dole navedenih kontakt adresa. Prijave sa naznakom „Za konkurs za izbor poslodavca 2013“, mogu se dostaviti putem elektronske pošte na adrese: mirza@crp.org.ba; akavgic@ipm-lsi.org ili nermana.ajanovic@posao.ba, te putem fax-a na brojeve: 035 248 341 ili 035 258 362.

Na osnovu prijava Komisija će sačiniti uži izbor poslodavaca, te nakon prikupljanja potrebnih dodatnih informacija od aplikanata koji su ušli u drugi krug izbora odabrati pobjednike u sljedeće četiri kategorije:

- mala
- srednja
- velika i
- javna preduzeća

Specijalno priznanje za ostvarene rezultate u oblasti samozapošljavanja bit će dodijeljeno u kategoriji samostalnog obrta koji je vođen od strane osobe sa invaliditetom.

Promocija i svečana dodjela nagrada odabranim poslodavcima održaće se u povodu 3. decembra, međunarodnog dana osoba sa invaliditetom i 10. decembra, međunarodnog dana ljudskih prava..

Kampanju pod nazivom Poslodavac godine za osobe sa invaliditetom, petu godinu za redom provode njeni inicijatori, organizacije Centar za razvoj i podršku CRP, Inicijative preživjelih od mina IPM i Internet portal Posao.ba. Ovogodišnji izbor poslodavaca je podržan od strane Fonda za profesionalnu rehabilitaciju i zapošljavanje osoba sa invaliditetom FBiH.

Cilj kampanje je podizanje svijesti poslodavaca i cjelokupne javnosti o mogućnostima i sposobnostima osoba sa invaliditetom da ravnopravno učestvuju na tržištu rada.

Promocijom poslodavaca koji zapošljavaju osobe sa invaliditetom želimo pokazati dobru praksu poslovanja, koja osobama sa invaliditetom omogućava jednak pristup ekonomskim mogućnostima, a medijskim praćenjem kampanje istaknuti pozitivne primjere, ali u isto vrijeme širu javnost upoznati sa postojanjem diskriminacije pri zapošljavanju osoba sa invaliditetom.

Kampanja se provodi s ciljem izjednačavanja mogućnosti za osobe sa invaliditetom, njihovog što kvalitetnijeg i ravnopravnijeg uključivanja na otvoreno tržište rada, te bolju socijalnu uključenost.

Kriteriji za prijavu:

Za nagradu „Poslodavac godine za osobe sa invaliditetom u FBiH 2013“ mogu konkursati isključivo pravni subjekti koji su registrovani na prostoru Federacije BiH, u nekoj od sljedećih 4 (četiri) kategorije:

- mala preduzeća (*preduzeća koja zapošljavaju manje do 50 osoba*)
- srednja preduzeća (*preduzeća koja zapošljavaju od 50 - 250 osoba*)
- velika preduzeća (*preduzeća koja zapošljavaju više od 250 osoba*)
- javna preduzeća (*preduzeća čiji je većinski vlasnik država. Formiraju se u oblastima interesantnim za državu kao što su elektroprivreda, telekomunikacije, željeznica*)

Nezavisna kategorija:

- Samostalni obrti vođeni od strane osobe sa invaliditetom

Napomena:

Namjera ove Kampanje je promocija inkluzije osoba sa invaliditetom i zapošljavanje na otvorenom tržištu rada, pa zbog toga, preduzeća (privredna društva) koja su prema obliku registrovanja namjenjena za profesionalnu rehabilitaciju i zapošljavanje osoba sa invaliditetom, kao i udruženja građana neće biti razmatrana u okviru ovog konkursa.

Za sve dodatne informacije možete se obratiti na neku od navedenih kontakt adresa implementacijskih partnera:

Inicijative preživjelih od mina
Amira Kavgić
035/258-361
akavgic@ipm-lsi.org
www.ipm-lsi.org

Internet portal Posao.ba
Nermina Ajanović-Hajdarpašić
033/204-595
nermana.ajanovic@posao.ba
www.posao.ba

Centar za razvoj i podršku
Mirza Jašarević
035/255-217
mirza@crp.org.ba
www.crp.org.ba